

14. oktober 2015

**Atlantikup avannaata Kalaallilu Nunaata silaannartaasa angallavigineqarnerisa allaffissor-nikkut aqunneqarnerata nunatsinnut nuunneqarnissaa pillugu naalagaaffeqatigiit Canadami Islandimilu oqartussanut isumaqatigiinniuteqarnissaasa aallartinneqarnissaa siunertaralugu danskit naalakkersuisuinut saaffiginninnissamut Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortat Anders Olsen, Tillie Martinussen, Jens-Erik Kirkegaard, Kalistat Lund aamma Ane Hansen)

Siullermik nuannaarutigaa una siunnersuut Inatsisartuni ilaasortat arlaqartut partiinit naalakkersuisooqatigiinneersunit illuatungiliuttuneersuniillu ataatsimoorfiulluni suliarineqarsinnaammat.

Taamannak oqariarlunga, nalunngisarput oqaatigissuara, tassalu nunarput unamminartumiippoq, taamaammat suliffiit aningaasanik isertitsiviusinnaasut nunatsinni pilersinneqarsinnaasut tamaasa aqutissiuunnissaat pisussaaffittut isigisariaqarparput.

Uumallumi siunnersuutip tamannarpiaq siunertarivaa.

Ullumikkut nunatta silaannartaata portunertaata nakkutigineqarnera marlunnut aveqqavoq, Canadamiit Islandimiillu nakkutilliinerit ingerlanneqarlutik. Tamanna Naalagaaffiup suliakkiussimavaa nunanut pineqartunut.

Taamaammat suliassat nunatta silaannartaata portunertaata nakkutigineqarnera angalasullu pillugit kiffartuussinerit danskit naalakkersuisui piumaffigineqassasut nakkutilliineq utertinneqassasoq, taassumalu malittaani, naalagaaffiup silaannakkut angallannermut nakkutilliisui kiffartuussisuilu, Naviar a/s, aqqissuussissasut suliassaq nunatsinni immikkoortortaqalernissaa anguniarneqassasoq.

Ullumikkut soorlu Naviar Nuummi immikkoortortaqaareersoq, silaannartaq appasinneq (19500 ataallugu angallanneq) nakkutigalugu kiffartuussillutik angallattunik, tamassuma taamannak aqqissuussinissaq ajornanngitsoq takutippaa. Taamaammat silaannartatta qutsinnerusup (19500 fod qulaallugu angallattut) nunatsinniik nakkutiginnissaa kiffartuunnissalu anguniarneqartariaqartoq Siumumiit isumaqarpugut.

Taamatut oqaaseqarluta siunnersuut aappassaaniinnginnerani, sanaartornermut ataatsimiititaliamut innersuupparput.

Qujanaq.

Jens-Erik Kirkegaard, Siumut.